



Մ. ՎԱՐՈՒՆԻԱՆԻ ԳԱՇՆԻ ԽԷՉՕԻ ՀԵՏ

(Նկարւած Փարիզ)

Photo -- Braun, Paris

ԱՆՑԵԱԼՔ

I

ՄԻՔԱՅԵԼ ՎԱՐԱՆԴԵԱՆ

Ապրիլ 26-ին, Մարտէյում, կաթւածի հետեւանքով, վախճանեց Հ. Յ. Դաշնակցութեան եւ, ընդհանրապէս, հայ մտաւորականութեան ներկայացուցիչներից մէկը՝ Մ. Վարանդեան, որ մօտ 40 տարի բացառիկ Զանաւրութեամբ ու փայլով ծառայեց հայ մշակոյթին ու հայկական դատին։ Վարանդեանի մահը մեծ վիշտ պատճառեց, մանաւանդ, երիտասարդութեան, որի սիրելի գէմքերից էր նա, որի մտաւոր դաստիարակութեան այնքան շատ էր ծառայել նրա բեղմնաւոր գրիչը։

Զկարողանալով «Վէմ»-ի ներկայ համարում տալ Մ. Վարանդեանի կեանքի ու գործի նկարագրութիւնը՝ կը բաւականանանք միայն նրա նկարի հրատարակութեամբ։ Յաջորդ անգամ նրան կը նւիրենք առանձին յօդւած։

II

ԹՈՐՈՍ ԹՈՐՈՄԱՆԵԱՆ

Մարտ մէկին, Երեւանում, սրտի երկարատեւ հիւանդութիւնից յետոյ, մեռել է Հայաստանի ականաւոր գիտնականներից մէկը՝ ճարտարապետ Թ. Թորոմանեան, որի կորուստը մեծ հարւած է հայ մշակոյթի համար։ Թորոմանեանը հայ հին ճարտարապետութեան ամենահեղինակաւոր մասնագէտն էր մեր օրերում։ Նրա ուսումնասիրութիւնների արժէքը, ինչպէս եւ իր գիտնականի համբաւը շատ աւելի լայն են, քան Հայաստանի սահմանները։ «Վէմ»-ի յաջորդ համարում մենք կը տանք առանձին յօդւած Թորոմանեանի կեանքի եւ գործի մասին։